



KOMUNIKADO PA PRENSA

Fecha
10 di sèptèmber 2015

Persona di Kontakto
Xiandra Rojer

Email
xiandra.rojer@ministervvpcur.com

EKSIGENSIANAN FINANSIERO TA KONTA PA TUR KOMPANIA DI AVIASHON

Willemstad – Minister di Tráfiko, Transporte i Planifikashon Urbano, señora Suzy Camelia-Römer ta informá ku su maneho ta basá riba lei i prinsipionan di bon gobernashon, entre otro preparashon kouteloso i transparensia.

Tur aplikante interesá pa lanta un aerolinea na Kòrsou mester kumpli ku e eksigenshanan legal, ankrá den “Luchtvaartlandsverordening” (P.B. 2001, no. 151) i den e “Landsbesluit, h.a.m. Luchtvaartverordening van de 15de februari 2005 ter uitvoering van artikel 8, vierde lid, van de Luchtvaartverordening, esta e “Landsbesluit geregeld en ongeregeld luchtvervoer” i su anekso B, pa por haña e pèrmitnan pa por operá un kompania di aviashon.

Pa kita kualquier konfushon ku por eksistí, ta referí eksplísitamente na artíkulo 6 di e Landsbesluit geregeld en ongeregeld luchtvervoer (A.B. 2005, no. 37), insiso 1, a i b. insiso 2, ku ta dirigí na anekso B, kual ta duna spesifikashon di dokumentonan i informashon ku tur aplikante mester entregá.

Anekso **B** ta spesifiká, ku un kompania ku hasi un aplikashon pa un pèrmit ekonómiko pa promé biaha, **ta obligá pa duna for di un punto di bista di forsa finansiero (verstrekken uit het oogpunt van financiële draagkracht)**, entre otro: un businessplan; cashflow i likides pa e promé dos aña, **i spesifikashonnan partikular di fuentenan di finansiamentu eksistente i di futuro (bijzonderheden over de bestaande en geplande financieringsbronnen)**.

Un manera transparente pa verifiká i kontrolá e dokumentonan ku un kompania someté pa demostrá su forsa finansiero a base di su spesifikashonnan partikular i detayá di su fuentenan di finansiamentu eksistente i di futuro ta pa gobièrnu pidi konseho di Banco Sentral riba e valides di e dokumentonan entregá, i pa pidi SOAB, ku ta esun ku a analisá e businessplan entregá pa e kompania, ta kua ta e suma di plaka ku a base di e businessplan di e kompania ta determiná como nesesario pa garantisá su operashon i kumplimentu ku su obligashonnan etc.

Un “Irrevocable and Unconditional Letter of Credit” of un “Garantía di Banco” pa e suma di plaka determiná a base di e businessplan di e kompania, ta duna e klaridat ku lei ta eksigí di e forsa finansiero, pa motibu ku un banko ta garantisá ku e kompania tin disposishon di e kandidat di sèn stipulá den su propio businessplan. Den kasu ku e garantia ta pa medio di un “Irrevocable and Unconditional Letter of Credit”, banko no ta permití tampoko ku e kompania por kambia e destino di e sèn garantisá i bai usa esaki pa algu otro.



KOMUNIKADO PA PRENSA

Fecha
10 di sèptèmber 2015

Persona di Kontakto
Xiandra Rojer

Email
xiandra.rojer@ministervrpcur.com

Di e forma aki esun ku ta pidi un pèrmit ekonómiko por demostrá su forsa finansiero manera lei ta eksihí, pasó un kompania ku no tin sèn òf no por disponé di sèn, no por lanta un kompania di aviashon (areoliña). Ademas e banko mester ta un banko internashonal di bon reputashon, i e “Irrevocable and Unconditional Letter of Credit” of e “Garantia di Banko” mester keda konfirmá pa Banko Sentral.

Minister Camelia-Römer ta enfatisá ku su maneho ta konforme leinan di Kòrsou, i preparashon kouteloso i transparente. Na mes momentu, e tin tur konfiansa den nos estado di derechi, den kua esnan ku no ta di akuerdo ku Gobièrnu por kana e kaminda legal.